

1. BOOIPA JE NAAK NING MTHEH NI

1. O Booi Pa je naak ning mtheh ni
Dokya naak amjümkküm ja
Booi Jeishüh nah peeta phäh üng
Kuum kyaan naak kah nih yah kti

Nah veeia je naak ning mtheh ni
Ei jah ook shui shake jah
Khokhi ngsiim jah kho kshou kho k'a
Dokya naak amjükküm hin
2. Nah msombeei kthai kdo kah ngjaak jah
Shashü mjü kküm kah hmuh-e
Nah shehbee khoh nuktunge phi
Dokhya naak nah pyaan peet ni
3. Pyangma naak jah kuei kkhaia
Am khyaih khoh jah poh peet kti
Mkhye mshoh naak kshuunga jah shääm kti
Shaang ngsiim nah jah pyaan peet ni
4. Säai siing pyangma lü khuikha üng
Jah phok kkhai looipüie phi
Puksheet üng jah mhloh msah kkhaia
Kphya nak kti nah jah peet ni
5. O Booi Pa je naak ning mtheh ni
Ääp ei vai mhlím ei phyak kti
Abäng piit pyaang naak ksüün kdo bok
Pha loshe yün ei tong ni

2. NGNGAAIA NGMEI NGVUUK KSHUUNGA

1. Ngngaaia ngmeei ngvuuk kshuunga
Kuumkyaan Booi kyum lok kkhai ni
Mkhye phäh üng ng'äh ngkhyah naak pe hin
Am shüüm ngü kah seh taak kona ta

O yün ei mshi nah kuumkyaan kti
Nah lup ngtou angdan lo vai
Thoong päänge üng xe nakkhüt lü
Halelüh jah ng'ai msuh yüm vai ni

2. Kah phäh hnün pyaang pääng lü
Nglat lo mtuui ve kuumkyan kti
Khomdek khuikha naak shot ta lü
Xün naak xüi lukhüm nih yah kkhai ni
3. Thing mküüma akkhaana
Tuh säpa hneen ngbeh kti noh
Mpyeen ei naak ksüün apäih kona
Sääi siing kkhüt lü hmu ngha kkhaie ni
4. Mdek ah nih se pän hin
Ah jah non ei be vaia
Thi lü nih phäh thou be kti ni
O mhluum u hallelujah Amen

3. XÜN UM MLIKPITUIA KAH NGSHOON UM ÜNG

1. Xün um mlikpituia kah ngshoon um üng
Kho ngmei jah hleep naak khokhi noh
Mthan jah sääisiing naak üng nah hloop kyet lü
O kah kuumkyan Booï nah yunga

O tui lään noh nah se kti ni
Kah pyeeng naak üng ta am läät ngü
Kuumkyan Booï nah pyeeng naak üng
Nah khyüi lü nah kaih-a
Nah pe kvaai ngtou sun nah kpha bä
2. Mkhye naak khokhi kshe noh nah hloopin lü
Kah ngleen naak mkyaang kkhi nu hia
Nah mka k'um hüi naak üp sun kah üm naak
O kah kuumkyan Booï nah yunga
3. Booï Jeishüh nang däk däk kah ning läk kkhai
Nang noh nah nah mesh nak kti ni
Nah khoh hin la belü nah phäh manga
Kah shak luum hin nah phäh kah peet.

4. NGMEI NOONGVEI SA POU LOLÜ AKHYÜH BE

1. Ngmei noongvei sa pou lo lü akhyüh kbea kba
Kah xün naak hin üm naak lok vai I am lo
Khomdek jah akk'uma ve naküt ktie hin phi
Ngseih kkhai laang I am ve suih lo mlok kti ni

Nghngisiim paai pyah um hin tooi kti ni

Xün um shak hin kkhui kshaama kba jop kti ni
Ahjou naak ta mshi mshan naak
Pyangma naak khuikha naak ni
Xünsheei um kho mhnüüp kkheh ning jah mthei bä

2. Kkhäi paaia kba thuum be hnaam kti nih xün k'um hin
Soksek naak ngmei ngvuuk kshuung kkeh-a ngleeng kti ni
Kuumkyan kti Booipa am nah ngpui ta kho mdeka
Je naak kküm mkhüh üp naak jah xe naak am ve
3. Loumphyo paaia kba nih nglou ngthang naak bok hin phi
Mphyo paa ta thuum lü ah hnah phi kyü kti ni
Pangsiim kkhyü hin ta anghläia ve ei lä khü
Angshäi ksäng xün naak pek kti mküüi naak yah she.

5.JOUTAAIMAH BOOI HALELUJAH

1. Joutaaimah booi Hallelujah
O kah ning mküü Imanuel
Mküü mtou naak jah säängtaai naak luum
Aläa nah päta ka siim
Halelühah' Halelühah Amen
Halelühah, Halelühah Amen
2. Kha ngngaih naak üng thuuk lü hlüng ve
Nah theem ngvaai jah nah mpyeen msheei naak
Mgmüimkhya khoa kkhyü kthai luum jah
Kkhaan be üng phi am pyen päih u.
3. Khomdek kkhyang luum amjükküm jah
Kkhaankho kkhyange ayüm mata
Nah küüi naak thi shena loon naak
Shalem kthaaia atuh ve päih
4. Nah mhnuh mtheh bä nah joutaai lam
Sheshang ei kko jah baanlamktung
Kkhaana xüi lukhüm angshu ngpha
Mdek Eten jah Shalem kthaaia.

6.MSE JAH KKHAN KHO NAKÜT KTAHAK A

1. Mse jah kkhaan kho naküt kthaka
Baanalamktung kah ngtek nakhai
Asusua kah booipa sun
Kah ksah-a ah thih phäh üng

Yungmhlät kti veeia kah ng'ap kti
Ah shak ah nah peet phäh üng
Kphyakkhok naak üng kah ngthang shak kkhai
Angshäai pe kah pha veia

2. Kah hmuh ngiaak jah kah sungngaih noh
Mkhye naak da nah hlo lü phi
Ngmuimkhya ngslim noh nah khyüi kkhai ni
Ngnääng naak sun kah yah kkhai ni
3. Kei noh khomdek kah hneen ngbeh ni
Khomdek noh nah hneen ngbeh lü
Kah Booipai baanlam ktung man lü
Khomdek hin kah seh tak kkhai
4. O kuummkyan Booï nah khyüi lä bä
Xünsheeï k'um lam ju baang hi
Nah thoong päänge nah jah mkääm üng
Kei phi nah seh pui kom kti

7.KHUIKHA NAAK MJÜ KKÜM JSGYYBGA

1. Khuikha naak mjü kküm kshuunga ngtuui ngleen ni
Khrito khuut poh kti abäng hin
Lüphi nih khuutma nih khuut van msän hin
Jah khü ktia mlung hlü ve ni

O akkhak nu khüt ve ni, Booipa khuut poh lä hin
Ah jah tüih naak hnün luuma seh hü hin
I hok kba kah thoon kkhai ni
Booi khuut ma nih poh kti ta
Akhak naak kshuunga ngdüüi dat khaia
2. Khrito noh ah jah khü naküt hin noh
I hok kba kah thoon khai ni
Khui kha am shoong lü khuut pok kti veo
Saion Booipa phäh-a khüüi kti ta

8.MSE JAH KKHAN KHO NAKÜT KTAHAK A

5. Mse jah kkhaan kho naküt kthaka
Baanalamktung kah ngtek nakhai
Asusua kah booipa sun
Kah ksah-a ah thih phäh üng

Yungmhlät kti veeia kah ng'ap kti
Ah shak ah nah peet phäh üng

Kphyakkhok naak üng kah ngthang shak kkhai
Angshäai pe kah pha veia

6. Kah hmuh ngiaak jah kah sungngaih noh
Mkhye naak da nah hlo lü phi
Ngmuimkhya ngslim noh nah khyüi kkhai ni
Ngnääng naak sun kah yah kkhai ni
7. Kei noh khomdek kah hneen ngbeh ni
Khomdek noh nah hneen ngbeh lü
Kah Booipai baanlam ktung man lü
Khomdek hin kah seh tak kkhai
8. O kuummkyan Booï nah khyüi lä bä
Xünsheeï k'um lam ju baang hi
Nah thoong päänge nah jah mkääm üng
Kei phi nah seh pui kom kti

9. KHUIKHA NAAK MJÜ KKÜM SUUGA

1. Khuikha naak mjü kküm kshuunga ngtuui ngleen ni
Khrito khuut poh kti abäng hin
Lüphi nih khuutma nih khuut van msän hin
Jah khü ktia mlung hlü ve ni

O akkhak nu khüt ve ni, Booipa khuut poh lä hin
Ah jah tüih naak hnün luuma seh hü hin
I hok kba kah thoon kkhai ni
Booi khuut ma nih poh kti ta
Akhak naak kshuunga ngdüüi dat khaia
2. Khrito noh ah jah khü naküt hin noh
I hok kba kah thoon khai ni

Khui kha am shoong lü khuut pok kti veo
Saion Booipa phäh-a khüüi kti ta
3. Khrito ye kshui pä nih sit lä vai u
Nih khuut ma kpha vai nung kti ni
Am nih ngxü khang u, am ni sü khang u
Ngxü naak hnün nih pha hlaana ta

10. XÜN UM SUIH JÄM JÄM VE

1. Xün um suih jäm jäm ve angshih naak mah mah-a
Käh sü lü Booipa khuut pok vai ksüün hnüh kti ni
Kdū naak mhnüüp kshüün shū hlū kyeem lo xep xep kti ni
O hnuunpui nang jah kei Booipa noh jah yung kti

O hnuunpui ngpyaih xat shään
Ksüün kdo päih vaai seen ve
Nah pyeen naak nah ngvaai naak
Booipa noh mang hlük kti
Pyeeng um hnüüp thoh mtuui ksüün
Booi Jeishüha ka ni
Sungi lü nih ngtääng vai u
Booipa phäh nih khüüi vai u

2. Booipa pyeeng üm nalü ngshunpui ye däm lü phi
Nih sit lä vai Booi noh jah khyüi kkhai jah kpüi kkhai
Khuikha käh ngngaih nalü baanlam ktung nih kkot vai
Xün um nghngi kyaak veia Booipa phäh shi tih lü
3. Soksek mphyüün kshe khui kha jah hleep naak kshuunga phi
Khrito hnu läk kkhaia athoi hin nih ngshüh kti
Mkhye ye kdäm noh mhüüp tä jah läih lo kyo lüphi
Käh jah mkhüt khoh kkhai ni, Booi Jeishüh nih büh ta

11.BAANLAM KTUNGA NGMÜM LO LÜ

Baanlam ktung ngmüm lolü
Kah nghui lo be kti
Kah mkhye naake hin nung kyo lü phi
Nang noh nah ngsiimsaih shak be bä

1. Nglei khomdek kphya naak hin noh angshääi I am sang u
Khrito kphya naak am ani ta
2. Kkhyaang luuma pyen ei naak naküt hin nih khaam lü phi
Jeishüh noh ah khaam ei päih ni
3. Jum kti noh Khrito thesa pakhyap naak vai am ve
Booi Jeishüh nih mhluumseem vai u

12.NAH MA-A BOOI JEISHÜH ANGDÜH LO TA

1. Nah ma-a Booi Jeishüh angdüih lo ta
I hok kba ning ngngaai kkhai ni
Nah ve soh ngneishak hin ah mlung je kkhai mä

Kphya nah kti Booï noh I kba ngngaih kkhai ni
“Pu pa thuum” ti seen lü I käh ngaih naak ta
Booipa phäh am neh shek kkhai o

2. Kphya nalü jah shui hjap lo be kti sun
Käh nah hnaläü ei kkhai mä
Nah xe naak siim läk lü nah ngheei taak lä ni
3. Sholai ksing booï Jeishüh hnu läk kkhäia
Am nah sit hnga kkhai ve bä
Khomdek phähä ah ve ning nih ngsuuk vai u

13.KAH MA-A PYANGMA HELAT

1. Kah ma-a pyangma hlelat
Mkong ei pyen ei naak ng'yüing lok kti
Tuui yaai kthai jah shatankut noh
Nah shuk kti Jehova ahalom noh nah mtät kti.

Jehova shalom ah hui ei naak
Jehova sire kah pyeeng naak
Sooisüüm vai am säai nangü
Booipa ta säh lä kti ni

2. Nah mkyüh kti tuui yaai kthai noh
O hleep naak kah ning ksing ei ni
O mthan naak kah ning hmat kti ni
Mtui ei u Jehova shalom hin säh kti ni
3. Booipa Pangsiim ngshaao noh
Käh säai thih naaka phi käh säai
Mkhüh üp lü veei lä bä
Nah ma-a kah ngtung kkhai ah ti

14.JERUSALEM SAION MLÜH NU SAN TOU SHÜM U

1. Jerushalem shion mlüh nu shüm u
O. kkhyang nung kti Tosa Booia ngleen naak
Vai hnün am ve
O säai siing naak jah je naak Karani
Msuung ngdang lok kti ni

O koonshaang naküt mjü mjoong lä küt phi
Kkhaan Booï hnashen kba kyah naak karania
Am ng'yü ngkha laang u

2. Jerushalem mlüh nu kthai ngshih san tou shüm u
O kkhääang nung kti Tosa Booï ngleen naak
Hün ngkäih ngngsanga

O karania Pangsiim mpyeen ei naak
Dou vai ngshüh kti ni

3. Halelujah pyen thei daü ngü Halelujah
O mhlä kphya naak käh diim khoi kti
Je naak xün naak kkhyäi paai
Pyen thei veo kpyaü thei kti vek kkhaio
O mhlä kphya naak hin

15.KAH HMAAIMA THOON HLOK VAI

1. Kah hmaaima thoonhlok vai kah jän suum saak üng ta
Khukha lü mün san vai shüüm hmuh lä ni
Sehsoon ning käh kshing lü o
Kah pyangma ng'äh ngkhyah kti
Nah nüüm yaan kah phäha khäk kyo kti va

Phunkam sheet I am ve ti, püksheet pyangma naak
Thihkyuk naak pha lo lüphi
Nah nüümyaan üng ngphun ei lü jum ktia shak üng ta
Mlung am je naak laang vai I am vengtu

2. Nghngisiim noh am ah taak mkhüh üp naak kah tak kti
Amhnüüp tä sit ktia kah shak hin üng
Kah phäha do kkhaia abäng ah nah poh pee thin
Dang yah lü pyangma naak luum kah peet ni
3. Ngyahkyah jah booimang kti angteh-a nih ngleen naak
Karani ngnääng naak Khritoa phäh üng
Akam kshe laang am nih ve Booipa nüüm yaan naaka
Xenalü nih ngleen, nih ngleen, nih ngleen hnüh kkhai

16.KAH BOOIPA HNU LÄK KKHAIA

1. Kah Booopa hnu läk kkhaia
Shum naak vai mä kah ti khoi
Kkhyanga ngaiih-a helat naak a pha lo üng
O kah phäh ah hnu läk hin
Shumpak naaka kah shui ni
Lü phi sääng naak kyo va nik kba

Kyah naak laang I am ve ti
Pyangma sääi siing ng'äh ngkhyah naak
Anih üng nih nglooi ei ta
Xün um nih shoong naküt hin
Jekyai naak vai siim siim ve ni

2. Pyangma khakshe pyoixo noh
Kah lam nah kshih kdet lü phi
Kkhyanga ngngaiih-a helat naak pha lo lü phi
Akut yünga ve üng phi

Mkong ei naak laang I am ve ngtu

3. Karani kho msuung kkhaana
A thoong pääng nih ngleen ktie
Ah kphya kkhyok naak naak kbek sa hngoh yah eia ta
Angshääi xün naak säng kti ni
Khomdek ia thoon lü phi
Jekyai naak vai siim siim ve ni

17.LAM SHOKTÄH JEISHÜH KAH LÄK KKHAI NI

1. Lam shoktäh Jeishüh kah läk kkai ni
Kei nah kphya nak ktia thoon lü
Nah kuumkyaan ktia kah taak ei phäh üng
Lam shoktäh Jeishüh kah läk kkhai ni

Lam shoktäh Jeishüh kah lät kkhai ni
Kkhaankhoa nah seh pui kkhai kah hmat kti
Joutaai mah lü ah kyum lo be üng ta
Angshääia ah veeia kah ngxü kkhai
2. Lam shoktäh Jeishüh kah läk kkhai ni
Ngnü ngsheng naak mongü su lü phi
Ah pyeeng naak ngjüng ktha kah ngman ei nak kkhai
Angshääia ah veeia kah ngxü kkhai
3. Lam shoktäh Jeishüh kah läk kkhai ni
Ah ngmüikhya ngsiim üng nah khyüi kti
Nah ngsiimsaih shak lü kah boong nah mphyüüm kkhai
Kkhaankhoa nah joutaai mah shak kkhai

18.KAH SIT SEEN KKHAI VE NI

1. Kah sit seen kkhai ve ni kah sit lä kkhai ve ni
Malam ktäm seen kkhaia kah sit lä kkhai ve ni
Thang kdokkya nih phyaü lü phi
Samsah naak vai I am ve
Poh vai Booï Jeishüh noh nih kkhaana jah mtaat kti

She ei lä vai ni, vaai ei lä vai ni
Ngloungthang lo bok bok vai ni, Booipa aphäh üng
Soksek phi am ve, helat phi am ve
Vedam phi am ve, Booipa veeia ta
2. Am sit hü khoh kti phi xün naak mtheh vai hlü kti
Malam ktäm seen kkhaia xün naak mtheh lei naak ni
Ngkyoong ei naak laang I am ve xün naak ta ei kti phäh ta
Khrito kphya naak hin noh jah xün mshüh mshümkti ni

3. Thi kkhaia man naak üng kei nih ta ngpui ve ni
Nang nihe veeia ta xüng kkhaia khuut poh kti
Khrito lup joutaaimah sun nih mtisha thi khoh kti üng
Apou naak kkoh vaia khrito üng nih pe vai
4. Khyüi kti Moshia lup ta suih vai jām jām kti ni
A brahama kküt phi hmuï shääng kti am ni u
Khrito thoong naak yah kti noh hmuï nih shääng hnüh kti ni
Hlüng taai nglou ngthang kkhaia Pangsiim noh jah mkhuh kti

19.KHRITO PHÄH-A KHUUT POH KKHAIA

1. Khrito phäh-a khuut poh kkhaia
I noh nah kyoh kti ja tuh hi
Baanlam ktung phäh yah ei kti noh
Khrito nih hneen ngbeh be tü kkhai mä

Karani ktung, o kah mya naak
Booipa noh nah nääng peet kti
Kho mdeka diimdeih naak I am ve
Baan lam ktung kei kah mya naak ve ni
2. khomdeka ng'äh ngkhyah lü ngkou ni
Khuikha noh mhnüüp tä nah kshih kti
Mti diim naak I am ve khoh laang
Baanlam ktung kei kah mya naak ve ni
3. Xün naak kkhyü ngthup Karito peet sun
Khomdek kkhaana nih kpyaü vai u
Mpyeen ei naak ksüün anglüüm hlaana
Nih kpyaü hü vai baanlam ktung man lü

20.BOOIPA HMUITUM NAAK MHNÜÜP

1. Booipa hmuui tum naak hmhnüüp joutaaimah apha lo ta
Nih ma-a vek kti ni' pha lo hlü hnüh kti ni
Kkhyaang luum ah nih vesoh akba sijaang kkhaia
Tuha säh lok kti ni

Hmuui tum naak sijaang naak kho hnüüp ksheen sun
Ah nih jum kti phäh ta jekyai naak mhnüüp vai ni
Khomthan päih lo ma lü anshäai kho thaai kkhai ni
Angshäaia ngleen vai ni
2. Booipa hmuui tum naak mhnüüp joutaaimah ah pha lo ta
Mdek jah kkhaan ngshüün kkhai xooi
Suun ei khoh kti am ve
Ah ma-a kkhyaan amjü kküm ngkhääm vaai kkhaie ni
Booipa noh hmuui tum kkhai
3. Hmuui tum naak mhnüüpa ta
Ah kkhyaan ngsiimsaihe phäh ta
Je naak kho vaai kkhai ni

Xe naak mhnüüp phakkhai ni
Ah nih käh jum hlük kti kyah naak mhnüüp phakkhai ni
Sääisiing lü ngkou kkhaie

4. Booipa hmuuitum naak mhnüüp joutaaimah apha lo ta
Nglookngsaam pakhyap kti jah ju kkhüün jah ju jooi kti
Bohbah soopkyaap mtuihkshe ah nih am jum hlük kti
Mulai pe nglüüm kkhaie

21.HMÜÜITUM NAAK MHNÜÜP JOUTAAIMAH A PHA LO ÜNG

1. Hmüüitum naak mhnüüp joumah a pha lo üng
Thoongkhyah sakpa xe naak mhnüüp joumah-a
Nah phäh-a hmüüi ah nih tum lo ta
Je lü mä nah shoong kom puk she lü

Longshaai ngshaai kkhaai ni hmüüi tum lok kkhaia
Angshääi säng kkhai hmuui tum naak küm seei üng
Nih vesok naküt sun ah hlonga
Kpumthi kkola ngphyeh ngphyan päih kkhai ni

2. Asun üng ta ah kkhaange ääpa kba
Jum ei ktie angshääi hlüngtaai naaka
Hai bak ktie angshääi mei kshuunga
Angshääia hnun khye khye nih yah kkhai
3. Booiea Booiea khongea khongmang sun
Mlei naküt ah veeia ngpneh ei kkhaie
Mkhuuk naküt ah ma-a ngdääng kkhaie
Nih Booiea ma-a nih ngdang ngshaai kkhai ni

22.DOKYA NAAK TAK KTI PANGSIIM NOH

1. Dokya naak tak kti Pangsiim noh
Mhnüüp tä jah mhlüih nih hlü ei luum
Ah sa-a ngshui ktia kah thoon kti
Ah mkhüh-a seh kah xe naak ni
Kah pyeeng naak bok Jeishüh ve ni
Jekyai lü kah xe nak kti ni

Ah nih ta kah pyeeng naak bok
Mhnüüp tä{ kah xün} 3 naak luum üng
Sungngaai lü kah mhnih mjo k'um üng phi
Ah nih khrito üng kah thoon naak
Pyeeng naak dāk sun hmat lü
Kah xe naak kkhüt ve ni

2. Kah mlung kyoong sungngaih naak aluum
Akhrito käh hmat lü sit lä kti
Kpaam ei naak mkhye naake ngdang lä khü
Lüphi am kah shüüm mhnüüp üng phi

Nah shüüm lü nah sheh pui lä kti
Jekyai lü kah xe nak kti ni

3. Käh kah hmat mhnüüp khohah üng phi
Ah phäh-a kah xüng lä kti va
Lü phi kah pät kah büh ei be üng
Käh pyeeng naak mkhe naak ngdang lok kti
Käh khyaih lü kah thik kti kyo va
Kah khyaih laang I am vek kti ni

23.O MPYEEN EI KTI PANGSIIM NOH

1. O mpyeen ei kti Pangsiim noh
Nih mlung kkhyoong k'um hia
Mkhyangsiim ah peet je naak hin
Khomdek theem noh am kshing päih u

Nghngisiim theem ngvaai naak hin noh
I am ning suumsaak yah laang u
Nah kuumkyan naak nah kkhyü ngthup hin

2. Thuuk khüt lü hnikmah khüt ve
Kho mdek ngvaai naak kthaka
Pangsiim mhlä kphya naak kkhyü hin
Mse jah kkhaan luum üng be kti ni
3. O kei mkhye lü khyük pääng kti
Ah mpyeen ei naak phäh üng
Xün naak mkhya ngsiim nah pek kti
O kah xün naak Booi Pa mküüia

24.NGMUIMKHYA NGSIIIM KHONGSHÄ HIN NOH

1. Ngmuimkhya ngsiim khongshä hin noh
Khrito sangla-a nah pyaang kti
Asua ngkoi pooi jih kbi ngshut ktie
pooi jih käh ngvaih xa lü
Nah ngthup ei aphäh hin üng
Kyah jah ha kkhüüt naak hnün sun nah yah kkhai

Ngphyeh ei hnüha tuh hia
Bäü kat naak thuh kti ta, ah ma lam :ut kkhai ni
Käh thuh lü phyan lü she tak kti noh
Kdū mesh naak yah kkhai ni

2. Booi Jeishüh nah tak kti mä
Pangsiima sa kpa tak kti ta
Ah pät noh kshing naak taei yah kkhai ni
Xün naak kkhyü ngthup Khrito üng
Xexok ngtuuui nglaam jah hngalang I am ni
3. Nah ngthup ei hlü ham kti mä

Nah phäh kksüün kdo läät hlü kti
Käh ngdang kkhaia süm khoh laang I am ve
Mkhye kti nah ngthup ei phäh üng
Nah khyüh leih ei ngsaai ngsaai kkhai
Asun üng Booï Jeishüh käh kbäh ei bä

25. BOOIPA PE MHJAÜ KKHAIA KHOMDEK KKHAANA

1. Booipa pe mhjaü kkhaia khomdek kkhaana
Kei kah sit kkhai ni kah phüh k'yüh üng
Käh kah ning jooi ei kkhai kah Booï Jeishüh
Ngshun püi vai ye däm lü phi

Thang kdo kphya nalü kah mkhaam ei kkhai
Thang kdo kphya nalü kah mkhaam ei kkhai
Kah Booï mlunghlū ngming mkäih hin kuum lü
Am sen ngü khomdek ma-a

2. Ah khuut poh mshumsong kkhai u vek kti ni
Kei hin nah xü kti Booï Jeishüh noh
Jekyai lü kah Booï Pa khuut kah poh kkhai
Thih veia kkhyütaam ngkhääng lü
3. Kah khuut ma poh vai nah taam peet kti ni
Thangkdo da kphya naak seh püi kkhaia
Mkhye ye kdäme phi jah seh shih güshe
Ah nah khyü naak kah sit kkhai
4. O mhlä kpha naak, O mhlä kphya naak noh ta
Nah tüih joih tua ahoa phi
Ye kyüh ei naak khokkhi kho da su phi
Kah sit lä kkhai mthan lüphi

26. PANGSIIM MHLÄ KPHYA NAAK K'HLÜNG BOK

1. Pangsiim mhlä kphya naak k'hlüng bok
Karanja ngdang lok kti
Ah sa pät Jeishüh Khrito
Mkhye kti phäh-a shak ton kti

Ah khuikha um san tou shüm
Mhlä kphya naak lup ngdang lok kti
Hneen ngbeh kti phäh täsham lü
Kah pa ah nih mkhye nän ei bä

2. Ah shuum um kphyanaak lup sun
Am hmat u ah kphya naak noh
Hmuhmshit jah mkeeimshong naak üng
Ah nih ngshih ei deih deih u
3. Akphya naak lup hmuk kti noh
Ah nih mkhye ah nih hmuh üng
Mkhye vuuk lü Khrito maa
Nghui be leei leei ktie ni

4. Kei mkhye mshoh mtuih sheh kti phi
Baanlam ktunga ngmüm lo ni
Ah kphya naak lup nah mnhuh lü
Shak kthaaü üng kah ngleeng hnüh kti

27. BOOIPA KYUM LO NAAK VAI YÜN EI TONG VE NI

1. Booipa kyum lo naak vai yün ei tong ve ni
Ah ngming phäh üng khaam kti jah she pui kkhai ni
Nih khuikha khyo lüphi ah jah phyäi pän ni
Nih nglou ngthang naak vai ta i am ngdang lo ham

Hääi hääi mthan nglunga ngpyaan kthai sun
Ngngaai u ah kpäih naak ngkhü naak
Hääi hää, Booipa ngming khü naküt
Angshääi je naak yah kkhai e
2. Seh naak tuilam ngshaai sun kshing vai hlü kti ni
Ngsiimsaih naak lam mhlä sun ngdang lo hnüh kti ni
Mpyukeia kba ah lai naak lo vai ve ni
Anghmoong noh phi lam I am hmü kti shoom u
3. Booipa kyüh ktie ta käh nih hmaaishek kkhai
Nih ngnüngsheng naak luum phi ngshing ngte päih kti ni
Sangla ngküh kti noh ta ngshääm kyet u ah ti
Ngngaia, kshoh-a hlonga ngdüüi lü kkho k'um kti

28. I LÜ NI BOOIPA KHOMDEK NGHNGISIIM NOH

1. I lü ni Booipa khomdek nghngisiim noh
Kah nih mlung nah veei hia kah nih ngsang shak ja
Nah kuumkyaan naak nah jah yet
Nghngisiim thoong khyä naak
Käh hnäläü ei lü khyüh taak vai mä

Booipa, aan däk hin ning nghui naak ni
Kah nih mlung mkhye lü nghngalih kti hin
Nah ngmüikhya ngsiimsaih üng thot lo lü
Nah päät kuungda jah mjom be bä
2. Myashat um mhnüüp hin aphäih kona ta
Jekyai naak khomdek ngtoou naak ,samsahnaak luum hin
Angshääia khyühleih naak hnün kah nih pha üng ta
Mlung kkyoong ngsang nghngalih i am nghmaai ti
3. Aan däk däk hin ni angssäi xün naak ta
Nang Pangsiim ngshaai jah nah xüh Booi Jeishüh jum hin
Nah kkhyü taam I tüh-a phi I am nglai khoi laang
Ning pan lok kti, I am ma khoi kti

29. KHOMDEK MKHYE ÜNG KHYÜK KTI

1. Khomdek mkhye üng khyük kti jah shui be kkhaia

Pangsiim noh ah sa kpa mat dāk sa ah peet
Ah thoong pang mkhye üng kkhük noh
Xün naak lam ah hmat vaia
Khoh pelü khuut poh vaia Booipa ngkhü kti

Pe ua sun üng nih jah pe be kkhai
Peet üng Pangsiim am ning ngteh pui kkhai ni
Pangsiim noh nghngi siim I am lei nakhoi
Dokya naaka aphung nu ni

2. Jum ktieo kkhyü ashü jah sük kti ni
Sit ulü thang kdo kkyä kpyäü vaai u ah ti
Am sit hü khoh kti noh phi poh vai khuut ngshüh kti vek khü
Khoh pelü khuut poh vaia Boo Pa ngkhü kti
3. Jum kti eo hoa ja khoh nah ni msheh kom
Ngmümkhya kkyük phäh nah msun msheh sun nah hmuk kkhai
Jum naak üng nah peet vai sun Booipa noh ning mtät ti ni
I hah üng ja nah nah jum dat kom ah ti
4. Kah ngaak lo ni Boo Pa nah ngkhü naak kthai sun
Khritjaan luum thangkdo kpyäü kkhaia nah khü kti
Ning ap ni kah taak luum jah kah mtisha kah shak hin phi
Nah nah van ni thi shen üng nah nah kkhyäih pääng

30. BOOI JEISHÜHA JAH KPYAKKYOK NAAK

1. Boo jeishüh-a jah kphya kkhok naak
Nih nih mkhye üng thi pääng kti
Ah jah thong khyah phäh üng jouhiit mah kti ni
Ashäai xün naak amhlä hin
Mthan kshuunga kkhyangea veeia
Kpyäü hü kkhaia u ja angpyaih xat kom

Pungpyeen naküta kkhyangea veeia
Nah kuumkyan naak kkhyü hin u noh
Ngpyaan pui kkhai
Kei kah sit kkhai ni Boo Pa
Nah kuum kyan naak kpyäü kkhaia
Nah ngmui mkhyangsiim üng nah khyüi sho lä bä
2. Booipa phäh nih khüi khoom vai
Poh mshi hin ngxü naak ve ni
Booi lukhüm joumah nih ngbün naak yah vaia
Nah ma-a shohlai khohah sit ktie sän shüüm hmat lü
Käh kyüh ei lü nih ngpyaih xat dat vai u
3. Daai khyong jah ngmün mkaang ng'yah pe
Tuishiip ngxang jah heet tui kho
Leng päih lü kpyäü hü kkhai kei nah khü kti ni
O hnuunpui Boo Pa ngkhü naak
Am ngja kti hana käh ngsom lü
Nih ni xooi hin mhnon naak da nih ngpui kti

4. Ngmüimkhya kkhyük kkhyaang mat däk hngoh
Kah nih yung mhlät yah vaia
Nah ngmüimkhyangsiim li ksim üng jah mshui mshak bä
Khuikha naak mthan kshuung üng ka
Kshet be lü vaai shak kkhaia
Kei nih athoie hin jah shum ei bä

31. KHÜÜIKHOOM KTIE NGSEEK VE U

1. Khüüikhoom ktie ngseek ve u
Poh mshah vai khuut phi nung khü
Nih Booï Pa saang k'hmin aat kkhaia
Ah saang hmin lü kem hnüh ve u
Angshäai mthan kshunga mhnüüp tä kem hnüh ve u

O mhnüüp mthan ngläi lü mit ve u
Kah mhlämseh naak am diik laang
Kah thi shen mhlä ajüa am long
Thoong pang noh am ah nih mthet ta
Kkhaan kkhyaan kah tüüi kkhai ni
2. Ah nih nih jah mhlä nalü
Kah pe ngshih nu kah seh taak
Ah nih phäh-a baanlam ktung üng
Khuikha luum shoong lü kah thoong hin
Käh hmat lü angshäai mthan noh jah kpha lok kkhai
3. U uja kah jah tüih kom
Kah phäh u ja ah seh kom
Kah thu thi üng kah jah msiim pääng
Mkhye kshuunga mhnüüp tä khyük ve u
Kah veeia pha lok kkhai laang I am ve u
4. Hia kah vek kti Booï Pa
Nah hlü ta nah xüh tua
Kah shak luum hin nah ka-a thoon she
Ngmüimhyangsiim üng nah khyüi lä lü
Mtun ei vai pe naküt nah ka naak veia

32. MKHYE JAH HLO NAAK TUISHOOI KSHUUNG HIA

1. Mkhye jah hlo naak tuishooi kshuung hia
Kah mkhya kleem ngnoi hnüh kti ni
Ngxü naak thing phung nghnge ngjaak hlü ni
Nah khyüi be tü ma Booï Pa

Nah khüi be tü nah kuumkhan kti
Kah mya naak Baanlam ktunga
Nah kut mthi hneen naak kleem kuung üng
Nah khyüi be tü ma Booï Pa
2. Mpyü kshe kyah jah sok sek kshuung hia
Nah hmat shak Baanlam ktung mhlä
Asua veh seen kah yü kti

Nah khyüi be tü ma Booio Pa

3. Būka Booio Pa nah shuh päänge hin
Ah nih je kyai naak thuum khü
O ngmüimkhyangsiim soon ei loa
Nah khyüi be tü ma Booio Pa
4. Nang ning hlü lü Jeishüh kah nghui kti
Nah mthü mphyak thaai be tü ma
Nah kho pha man lü kah je kti
Nah khyüi be tü ma Booio Pa

33. KHOH PEK KTI NAH PÄT KUUNG NIH HLÜ EI

1. Khoh pek kti nah khoh peet am nilü
Khoh pek kti nah päät kuung ning hlü ei
Nah khoh peet kah büh üng nang kah ning mhnih lä kti
Khoh pek kti nang ning hlü ei bok ni

Booipa üng kah je kyai kkhai
Booipa üng kah je kyai kkhai
Anghläia kah veeia ve ei lä bä
Akse I noh phi nah lup käh ning shung laang she
Khoh pek kti nang ning hlü ei bok ni
2. Shepbee kti nah sheh bee am nilü
Shepbee kti nah päät kuung ning hlü ei
Nah shehbee kah büh üng nang kah ning mhnih lä kti
Sepbee kti nang ning hlü ei bok ni
3. Do shak kti dokya naak am nilü
Do shak kti nah päät kuung ning hlü ei
Dokya naak kah büh üng nang kah ning mhnih lä kti
Do shak kti nang ning hlü ei bok ni
4. Mya shak kti myashat naak am nilü
Mya shak kti nah päät kuung ning hlü ei
Mya shak naak kah büh üng nang kah ning mhnih lä kti
Mya shak kti nang ning hlü ei bok ni

34. KHYÜK KTI SHUI KKHAIA NAH KHÜ VE

1. Khyük kti shui kkhaia nah khü ve
Mkhye kshuunga khyük ngsum pääng ktie
Angshäai xün naak am hmat ulü
Mhlä kphyä naake ngleen ham ve u

Nglat lo be u, nglat lo ve u, käh khyük ti lü
Kuumkyan kti kthai am nah ngjaako
Tuh-a kyap lü ning khü kti ni
I säp nah nglat lopüi be kkhai

2. Khomdek mhnüüp hin kyeem lä kti ni
Khomthan püksheet noh nah kpha khü
Xün naak khyütaam am kpyäü ti u
Hmüüitum naak mhnüüp sun säh hnüh kti
3. Angshääia khothaai lo hlük kti
Khüüi khoom mshi ktie ngxü naak vai
Kkhyaang luum poh mshah kba sijaang kkhai
Kuumkyan kti lup pou lok kti ni

35. BOOIPA JOUTAAMAH KTI

1. Jeishüh noh ah msuh mtheh-e
Mkhye khoa shuk shuut kkhaia
Kho mdeka ah jah tüih üng
Ah hiit üng jah mshui mshak lü
Jeishüh noh ah msuh mtheh-e
Sit lü Booipa khuut poh ktie
Booipa joutaai mah kti

Mnehmah jah mya shak lü
Mneh kshe phi jah ngsiim shak lü
Tuuiyaaie ah nih jah kshät va
Booipa joutaai mah kti
2. Hiit üng ah jah be bang shak
Ah mtheia khuut poh naaka
I noh phi am suun ei khoh
Nih Booi Jeishüh xün naak sun
Abäng jah nääng naak khoh ni
Tuuiyaaia khyüh ei xün naak sun
Nih yah ei kkhaie ni
3. O, nang nih jum ei ktie
Ah nih-a nglou ngthang naak vai
Nah veeia ah ve kshing lü
Xün naak khyaih khoh kti Kharito
Jeishüh-a ngming khü seen lü
Shatana khune sun shuuta
Jeishüh shum ei yüa

36. JEISHÜHA DÄ SOONEI YÜM KHOI

Jeishüha dä soonei yüm khoi
Lam shok ktäh ah nah seh püi
I am khyüh hū ta ti ngü
Jeishüh-a dä soon ei lü

1. Kah ngmüimkhya ngya kyah mpyeen kshe
Jeishüh noh ah kuumkyan pääng
Jekyai mhlimtui lü ngleen vai
Jeishüh-a dä soon ei lü
2. Thoong päänge ngleen naak pe a
Booipa pe kah pha üng ta
Xüi phak ngphah naaka ngleen vai
Jeishüh-a dä soon ei lü

37. I JA KAH PHÄH KUUMKYAN NAAK

1. I ja kah phäh kuumkyan naak
Tilü kah suumsaak hü shoa
Khomdek ve hlaana hnim pääng Tosa däk hin noh
Kuumkyan naak kküm ana tak kti ni

Mopi naüh naak am khyüh ti ngü
Khomdek mhnüüp shüt vai am kyüh ti ngü
Khrito üng küm seei pääng ve ni, kah nghngisiim shak
Mput khuia nglat lüphi xün pääng Khrito hin üng
2. Mkhüh üp naak kküm taak ei ni
Kuumkyan naak kküm hmuh ei ve ni
Kah daai kyong k'hlüng jeishüh kah taak ei pän phäh üng
Mhlim lü kah ng'ai kah hui ng'ai lä ni
Ahin kuung kuung hin ve ni
Nah kuumkyan naak kkhyü ngthup küm seei
Baanlam ktung üng taih pän ah ti kah hmat lo ja
Mhlim ei lü kah mlung kyoong häi hüt ve

38. KOON MAT JAH MAT NGSHUN PU LOK KKHAI

1. Koon mat jah koon mat ngshun pu lok kkhai ni
Khyong mat jah khyong mat ye shou lok kkai ni
Ngkhyü akshehleena ngsüün lo hü hü kkhai ni
Pe nakük ta kho jo khyaat paai lok kkhai ni

Yehyaa phi ngleeng kkhai ni
Münsam kshe ngäh ngkhyah naak sheng sheng lok kkhai ni
Pan lo vyek vyeka nah süün aphäih hlaana
Pangslim kkhyü taam pha lo mlok kti ni
2. Kkhaankholoa phi mpyüshe kkhüt ktia
Ngshingngte naake phi ve lo hü kkhai ni
Mpanglai tuia ng'yün jah angnooka phäh üng
Am jum ktie säai lü let let kkaie ni
3. Sangla noh ah pi ngshun lo pui kkhai ni
An pi noh sangla sokngeih pui kkhai ni
Phak mat däk kkhaana nghngih ip yüm kti xooi phi

Mat seh püi lü mata hoih in hüt kkhai ni

4. Pa noh ah sa sun ngtuk püi hnüh kkhai ni
Ah sa noh ah pa ngshah püi hnga kkhai ni
Ngkhot naak jah ng'ye naak nih ti um hin üng phi
Mlungshou thi vom naak, phoih o ei päih kkhaie
5. Tuh hin ksüün kdo bok kuumkyan naak mhnüüp ni
Nah mhlät be kkhai mä khomdek mkhye mhlät kti
Lät naak shui kti noh abäng lä vat kkhai ni
Kah ngming phäh üng ah shak ton kti je kyai kkhai

39. BOOIPA KKHYÜ PYENA

1. Booipa kkhyü phena, kah mpaya mya kkhai ni
Myhye noh kho vei ah man ni
Mya naak vai akse I am ve laang kuung
Booipa kkhyü pyen be tü ma

Mya naak shui üng phi am hmu laang kuung ngü
Xenaak hjap üng phi am hmu ngü Booipa kkhyü pyena
Kah mpaya mya kkhai ni , Booipa kkhyü pyen be tü ma
2. Seh naak lam hmat lü nah kkhyü yün ei ni
Angshäai kho athaih hlaana
Lam hme lü kah nih kulu vääk ei kti
Boopa kkhyü pyen be tü ma
3. Boopa kkhyü pyena kah nih ning ngngaai kti
“Hia kah vek kti” ti lü
Nah kkhyü kah mei kshooi kah phäh vaai kti ni
Boopa kkhyü pyen be tü ma

40. HNUUN PÜIE AHIN HIN NGNGAAI SHÜM U

1. Hnuunpüie ahin hin ngngaai shüm u
Booipa ngngaih-a ta mhnüüp mat däk hin
Kum thoong mata mäi ni
Kum thoong mat phi mhnüüp mata mäi ni

Sü ktia ngngaih-a kba, Booipa ta I am sü
Ah veei nih gnlat naak be khoh vaia
Boopai noh jah kdü nak kküt kti ni
Nah pan kkhai mä kphya nak kti Booi jeishüh
2. Tuh k'um athoon ve ngngaai shüm u
Ip kti let lo vai ksüüm hnüh kti ni
Kho jo naühkaa naküt
Sheng lok kti Booipa säh hnüh kti ni
3. Be na mgthäh naak hin nah mshak khoh-o

Angshääi nah xün naak hin hui kti mä
Pyak naak mä nah pha ham
Ngshü ngseet ei vai ngshüh lohnüh kti ni

41. IP KTI XAK LOK KKHAIA

1. Ip kti xak lok kkhaia, kkhaan kho kpuung ang'yün lo ta
Nang nih ip kti thou u, nih phäh kho athaih hlaana
Nah nih mkhye mah mah-a, Booï Khrito sun pan lo-u
Lobe u, ah ti

O Booia khyük leih lü ngsum lo hlü ni
Mkhye tuishooi kkhaana ngdüih ni
Kah nih bäng ngnoi ngsai naak jah mphyüüm kkhaia
Booipa nang ning hmaaü ei ni

2. khomdek khui kha naaka
Booï kho kthaaï nih ngdüih vaiu
Khomdek phäh-a ngdüüi lü
Baanlam ktung phüih nih mtaai vai
Mkhye naak hnu shung hüt lü
Kkhaankho ngshih sun nih yah kkhai
Nih mkhüh üp kkhai ni
3. Nih bäng nih xak vai u
Khrito koonshaang naküt hin
Khomdek mthan ksääi kkhaia
Booï khyü sung nih bik ktie
Abäng hin Booipa phäh
Tilü pe luum kpyaü hü vai
Nih khüüi lä vai u

42. MSE JAH KKHAAN KHO LUUM

1. Mse jah kkhaankho luum jah khomdek khoh naküt hin
Booipa ni shep beei kti ta
Ah booï naak am hmat kti nung khü u khomdeka
Ah ti siim siima abäng vek kti

Nang Booï ni khomdeka
Lüphi nah booï naak am pou kti mä
Kkhyaang kho hah mlung kyoonga
Khomdek up kti mä
Booï naak hnün am nah yah kti mä
2. Mhluum mseem naak mküüi naak luum
Hlüngtaai naak ngtou naak phi, nang booia ka päih ni
Kei mküüi vai l am hlü, mhluum mseem kkäih am ni-ngü
Nang noh van nalü taei päih bä
3. Kah mlungkyoong k'uma phi khomdek khoh kpaam naak noh
Nah booï naak nah hut hlük kti
Lüphi o kphyä nak kti, nah kphyä naak mhlä naak üng
Nah hlo lü ngjung ktha nah pelä bä

43. PE KTUNG AM KAH PYEN MSHI KHOH SUN

1. Pe ktung am kah pyen mshi khoh sun
Booipa nah ah pyaan pe ngshih sun
Mhnüüp jah mthan käh veti kkhai ni
Shion mlüh nu angshih naaka

Kkhaan Jeirüshalem mlüh nua
Tui buh-a kkhyoot ei käh veti kkhai
Khomik mahkhya kvaai käh hlü ti kkhai
Tosa kho-nghngia kba vaai kkhai ni

2. Booipa nah pe ngsiim ngsaih-a ta
Thih naak phi käh veti kkhai ni
Shuh dam püipo kphyütui kyaak naak
Käh veti kkhai nah pea ta
3. Aana khomdek khuikha naaka
Thih naak pe ktäm lü mkhaam ei üng
Pyang ma lü kah ve um hin üng
Booipa nah hüi ei shak lä bä

44. KHRITO NOH PATISO PEK KKHAIA AM NAH XÜH

1. Khrito noh patiso pek kkhaia am nah xüh
Thang kdo kkyä kpyäü kkhaia va nah xüh kti
Asun kba am ani ta Khrito baanlam ktung
Nih jü shak kkhaie ni

Baanlam ktung hin khyük ktie phäh ta
Moong naaka thoon kti
Nih nih kuumkyaan k'um mtuuie aphäh ta
Pangsiima khyaih naak khoh kyo veni

2. Judah-e noh ngshing ngte naak ah nih ääp u
Käriith-e noh theem naak ah nih shui hjap u
Kei nih ta Khrito hneen ngbeh kkhyü kah nih kpyäü kti
Hmat thei vai khak kti ni
3. Pangsiim noh anghmoong akpange ah jah xü
Khomdeka shexu hmumshit phyak ktie
Am ve ngtu ktia ngkho Pangsiim noh xü kti ni
Baanlam ktunga ap ni
4. Pangsiima ma-a u phi am samsah khoh
Theem naak ngvaai naak ngsiim ngsaih naak jah thoong naak
Baanlam ktung phäh-a yah kti jah ä kti däk noh
Booipa samsah nashe

45. KHAAN KKHYAANGE SU NGNGAAI ULÜ

1. Kkhaan kkhyaange su ngngaai ulü
 Mdek da nghnga pheeng u
 Booipa noh kkhyü pyen kti ni
 Kah sa na jah msah lü kah jah mphyün mshee kyo
 Kah kkhaana ngheei in ktie ta

 {Kah khyaang Isare-e hin noh} 3
 Am nah hmat be ti u
 Kah kkhyaang Isare-e hin noh
 Am nah hmat lo-ngtu u
 Kah kkhyaang Isare-e hin noh
 Am nah hmat ngshaai u
2. She shang noh ah mah ei mbei naak kko kshing kti ni
 Kah khyaange noh am hmat u
 Kah kkhyaang Isare-e noh am hmat thei ngshaai u
 Lo ulü nah kyah pui ua
3. U ja kah tüih kom u ja kah ksah ah seh kom
 Hia kei kah vek kti ni, nah xüh tua Booipa Kei kah sit kkhai ni
 Ngmüi mkhyangsiim üng nah khyüi sho bä
4. Häh ua nih su ngngaai yüm hnüh ma tu vai u
 Nah nih mkhye le kyo lüphi
 Kkhui tooi kthaka book kkhai, book lobe kkhai ni
 To sa-a thi shena phäh üng

 Alto solo: ☺(kyaang 2 naak)
 O, Daai khyong xak ulü kah veeia nglat lobe hnüh ua

 Bass solo: (Kkyaang 3 naak) Kpuung tuma kthai sun
 Ngngaai shüm u ngpyaih xat hnüh u ah ti.

 Tenor solo: (kyaang 4 naak)
 Nghngilo kho kyaak kkhyaange jah sum jah shiipa
 Kkhaang naküt ngpyaih xat ulü jaang lohnüh ua.

46. KHOMHNÜÜP KHYA KUM JAH KSÜÜNE NOH

1. Khomhnüüp khy a kum jah ksüüne noh
 Am mseei kkeh üng jah ngheei pui seen kti
 Mdeka nih xün k'um mhnüüpe hin
 Noong vei sa üng päih lok kkhai ni
 Ksüün ham kti ni nah lüm ei vai
 Nah lei nah thung naak k'um vai sun
 Ksüün lok kti sun noh ning seh pui kkhai ni

 Mkhye naak däk üng aksüün
 Käh mang päih bä ksüün ham kti ni
 Käh mkhyüh päih bä Daai yoa kba
 Tooi be tülü am nah lüi lothaai ti kkhai
 Nah xün um hin apäih sun ta
 Ksüün naküt noh ning seh ta pän kkhai ni

2. Aksüün um üng lääng lah nu kkhyap
Pa kkhyap ei lü vek kti songpyang ngla
Nghngsiima kba am suum saak lü
Ah mkhya khui kha vai am hmat lü, ju jah meh-a ah xe naaka
Ksüün naküt kti shum ei päih lü
Ksüün kdo nah kpaam kti mä ah nah tik kkhai
3. Oh phi käh oh ye phi käh ye
Shatan Pangsiim jah shum ei yüm lü
Toa vun ngvuui kti mhnghea kba
Ah mlung kkyoong su ngngaih am do ham
Mhnüüp shüta hmüüi ah nih tum üng
Nah mkhye mshoh song kheei kküt phäh üng
Mkhye ngngaih naak üng I ja nah pyen ti kom
4. Aana khui kkha naak mdek hngoh phi
Nah mlung kkyoonga nah xe naak sun ta
Kkhaan kho Jerusalem ngshih sun
Nah ngmang hngoh üng nah hmuh-a ta
I hok kba bäi nah sü kkhai ni
Kkhaan kho nah su ngngaih ktoi-ha ta
Mdek seh taak vai nah yüng ei tong kkhai shü.

47. MAKEDONIH PE DA PEK LOLÜ

1. Makedonih pe da pek lolü kei nih jah kpüia
Tilü ngkhü kti kthai sun kah ngjaak
Thang kdo kkyä kpyäü kkhaia
 O, nih pek vai u, saye kho sa
 Booipa saang k'hmin kem hlü-hnüü kti
 Makedonih pe da pek lo-hnüü u Booï noh ah ti
2. Xüi saang buh hmin hnüü ve, kem lok kkhai u ja ah seh kom
Booipa nghmah-a mkhääm vaai kkhaia
Thih xün khaam ei dat kti
3. Ngooi sheepa ta jah läät lotak kkhai lam angdet hlaana
Tuh kuung Booipa phäh sit ua
Thoong khyah be kpyäü kkhaia
4. Ah nih veeia thang kdo kpyäü kkhaia Pangsiim ngkhü kti ni
“Makedonih pe da pek lovyek vyek ua” ah ti

48. KHRITO KAH BOOI MAANG NAAK

1. Khrito kah booi maang naak
Kah mya naak, kah xün naak tui hna
Kah hlü ko ei luum hin nah pek kti ni
Ah kkhyange phäh akdo luum am kpaam ei laang
 Kah pät am ve-ngü
 I am nah hoih hüt khoi laang kuung
 Kah hlü ko ei luum hin nah pek kti ni

Ah kkhyaange phäh akdo luum am kpaam ei laang

2. khrito kah ngslih ngsaih naak
Kah phyuun naak kah mkhye non ei naak
Kah hlü ko ei luum hin nah pek kti ni
An kkhyaange phäh akdo luum am kpaam ei laang
3. Khrito kah hlüing taai naak
Mküüi mtou üng ve ei püi vaia
Kah hlü ko ei luum hin nah pek kti ni
Ah kkhyaange phäh akdo luum am kpaam ei laang

49. TUI HNA VEKHÜ THIA LOONG KTI

1. Tui hna vekhü thia loong kti
Karania ngshooi kti
Thi shen long sun mkhye mshoh kti noh
Ngsiim naak ah yah naak ni

{O, karani long ngkäih bok } 2
Kah phäh loong lok kti ni

2. Mkhe kti thi kkhai hneen ngbeh sän noh
Mgsiim naak ah yah maak ni
Ah nih-a kba nih mkhye lüphi
Jah mthi saih khoh kti ni
3. Booipa mlung hlü nah thi shen mhlä
Kho hah noh am hmat u
Thoong khyah noh ta ah nih hmuh ni
Ah nih phüih haang lok kti
4. Kah jum naak üng asun hmuh ni
Kah pe säp loong lok kti
Ah nah kphya naak kah shü hlü bok
Kah thih vei säpa phi

50. AANA NGTHIIM KHO SOON EI NAAKA

1. Anana ngthiim kho soon ei naaka
Kho noongvei ngtuu ngleen üng
Mlung hlü kthak kphya naak luum shui lü
Xe naak kah hjap kti
Lüphi ngthiim kho ngdü yüng kuung hi
Xexok naak vai am hmulaang hgü
Angshäaia kah puk she ktha she pyangma ei kti ni

Tuh-a kah shak üng ta kah xe napyei kti ni
Khtito jeishüh kah jum ei loa kkhüh
Keia mlung kkyoonga diim deih naak nah pek kti
Xe xok naak jeishüh däk noh nah pek kti
2. Booi jeishüh baanlam ktung kkhaana

Ah thi huk lü ah shak ton kti
Nanga mkye mshoh naküt phäh phi jeishüh noh phüüi kti
Mhlä kphya naak ksang asing ling hin
Looi püi tuh-a jum ei hnüh-a
Do kya naak vai amjü kküm jah
Angsäaia xün naak

51. DO KTI BOOIPA KTHAI KAH NGJAAK

1. Do kti Booipa kthai kah ngjaak ah khü naak
Khomdek ksing kthai naküt phi jah mhleih kti
Kah sa kah ning kphya nak kti kah veeia loa ah kti

Booi Jeishüh lobe veeng ngü nah dou bä
Kah mkhye bibooi phüh k'yüh üng säai siing lü
Kah mlung khyoong su ngngaih naak naküt üng ning hjap veeng
Kah mkhye kti mpyeen ei lü nah kuumkyana
2. Do kti Booipa kthai kah ngjaak ah khü naak
Kkhomdek mjü mjoong naküt phi jah mhleih kti
Kah kkhyü kkhe lü üm nabä je kyai bä tilü ngkhü kti
3. Do kti Booipa kthai kah ngjaak ah khü naak
Khomdek ng'äing'om naküt phi jah mhleih kti
Kah kkhyü kkhe lü üm nabä je kyai bä tilü ngkhü kti

52. KAH VE NAAK VAI KHYONG KDO

1. Kah ve naak vai khyong kdo kuum kyan kti noh shep kti
Khui kha mpyeen sheet naaka khyong ye da
Hnaih ei ngkeei ngku naak phi asua i am ve
Kphya nak ktia ,kphya naak kea ngleen naak

Jah kphya nah kti Booi Jeishüh-a sük koh je naak ta
Nah phäh im shak kkhaia kah sit kkhai ni
Nah phäh im kah msän ta kah nglat lobe kkhai ni
Kah ve naaka nah ve yah vaia
2. Ngya kyah mpyeen sheet pyang ma naak noh nah kshih lüphi
Mkhye naak noh nah he lat shak lüphi
Am säai ngü asuna khyonga kah mkhya ngleeng kti
Je kyai xe nalü kah ng'ai hnüh kkhai ni
3. Asuna khyong ngshih sun tuh am pha-khoh ham ngü
Khomdek mtisha noh nah kyoh ham kti
Khomdek vaai veeng hin kah ngkya taak hnga kona ta
Xe nak kkhüt lü käh mshi lü kah ngseei kkhai

HNUUK NG'ÄI KHRISMAT NG'ÄI

53. ETEN KKHYÄI PAAI THUUM PÄÄNG PYAH SHAK

1. Eden kkhyäi paai thuum pääng pyah shak be kkhaia
Khomdek kuum kyan kti hmi lok kti ni
Kkhaankho veh kdo jah mshui mshak lobe kkhaia
Booi kdäm bok bok noh hnün kshe bok ah xü ei

Nih üm vai u je naak Booi hmi kti sun
Mküüi naak vai mse jah kkhaana nglou ngthang she
Aana mäia nih phäh Booi shü hlü bok hin
Am hmi khoi am hmi loti u itüh phi
2. Kho kphyüm kkhyaangea mtäh ei tong mhnüüp ksheen hin
Käh hmulü kkhyaang kho hah nglüüm pääng u
Booi mlung je kum ksüün kdo kuum kyan naak mhnüüp hin
Nih nih noh nih hmuh yah hin nih kam mah kti
3. Tuh vei tuh kkhyüh kke kho kkhyaang ngming shui luum üng
Kuumkyan kti akse i am hmi ti
Hlaan-yüng üng kkhyaang ngsiim ngsaih Shimon säk kba
Hmulü je naküt kti kkhyaang phun mah bok ni
4. Mse jah kkhaana am kkheh kdät kkhyaang pä kshuunga
Do bok bok kti ni jah kuum kyan kti
Isare-e no nong lü ah nih hoih sän
Kkhaan Booipa ngboih kkhaan kho lungtaaü kah hmuh ei

54. NGNGAIA AH NIH NGÄI KTHAI NGKÄIH KHÜ

1. Ngngaaia ah nih ng'äi kthai khü
Kho mhnüüp kseen kpha lo mhluum lü
Khomdek mkye jah hlo naak kshuunga
"Diimdeih she" ti ng'äi ve u

Hlüngtaai hliinkam joutaai mah she
Hlüngtaai hliinkam joutaai mah she
Tilü singsng moong ngsheei üng
"Diimdeih she" ti ng'äi ve u
2. Hlaanyüng lkip pe säk kba sä
Jubili pha lok kti ni
Hlüngtaai bok she mse kkhaan luuma

Jeirushalem nghmong lok kti

3. Akthuuka ka lup am hmate
Thoong kti mküüi lü ng'äi ve u
Angshääi diim booi joumah mküüi lü
"Diimdeih she" ti ng'äi ve u
4. Do kkhüt kti ni ah nih jih üng
Ah nih lup nghngi kthaka vaai kti
Ah nih jih book joumah ngvaih lü
Diim deih she tilü ng'äi ve u
5. Nah mtheh ua kkhaan ngshäeo
Kkhaan Booï Imanuel sun
Ah shangphuhlang ngoh naak hoih lü
Mkhye kti phäha lok kti sun
6. Vaai lo tü she kah nih kkhan hi
Ngshing ngte naak thaih ke aai shi
"ngkhot naak ngleeng she hnün aluuma"
Tilü ng'äi püi hnüh vai ni

55. KHOMDEKA SHANGPHU HLANG KHO HAH HMI KTI

1. Khomdeka shangphuhlang khohah hmi pääng ktie
Lüphi Booï Khrito-a kba hmi kti am ve ham
Kkhaan Booïsa hmi lok kti booï khoh jah ngbün shak kkhai
Kkhaan khyang naküt noh phi jah je kyai püi ua

Je kyai lü xe nalü, kkhaan Booï sa nih mküüi vai
Ah hmi lo je nalü khomdek ng'äi üng be she
Khan Booïsa hmi lokti booï khoh jah
ngbün shak kkhai
Kkhaan khyang naküt noh phi jah je kyai püi ua
2. Kkhaan khyang pä am kkheh kdät noh mküüi ng'äi msuuk ktie
Ah nih kthai kdo ng'yengshang to kshääm noh ngjak ktie
Booï Khrito hmi naak sun angseeia hmat ktie
Ah nih to seh talü Booï üm hlaam vaai ktie
3. Nghngilo ngkhyang ngvaai noh phi ang'uui phüüi lok ktie
Kkhaan aai shi kvaai noh tui lam jah mhnuh mtheh lok kti
Ah shih nu marih noh na ah kpom hmuk ktie
Ah nih khoh jah kseh lü Booï üm hlaam nak ktie
4. Booï Herot noh hmat lü pyang ma sääi siing nak kti
Kah üm hlaam hnga kkhai tilü khyang ngvaai jah mhleei kti
Ah sho hlai jah mkhääm lü Judah khyonga khyange
Üm hlaam naak mpyükshe pe vaai kkhaia sit kti ni
5. Jeishüh tuh ngooi kah nih mlung kkhyoong she shang ima
Hmi lobe tüma angshääi kah nih ning Booï vai
Kah nih kut hin nah shih marih kuta pyaanga
Angshääia xe nalü anghläi kah je kkhai

56. BOOI HMI KSÜÜN JE NAAK NIH PHA LO

1. Booi hmi ksüün je naak nih pha lo tü ve
Xe nalü mhluum lü nih ng'ai ng'om vai
Thih naak mthan kshuunga ngshut kti phät vaai naak
Joumah pha loshe hallelüija je lü nih ng'ai vai

Angming mün kshe nüüm yaan kti Booipa
Angshäai paai diim Booi joutaai mah nih
Ah pe hin khüt mhnüüp i am ve laang
Jaü lä kkhai ni ngshäai ei ktia phi
2. Tuh hi Petleen ngdü ngnaam pung da sua
Jum naak üng joong lü nih soon ei daaü
Ah shih Marih kpom mse jah kkhaan Booi
Mpyeen kshe sun nih hmuk kkhai
Nih taak ei khoh kkhyam luum nih pe vai
3. Jum naak üng kah jän tou kah kkhaankho pe
Diim naaka Booi sakpa ah hmi mhnüüp üng
Mkhya naak ah nih ng'ai kthai kdo ngshih ng'yengshang noh
Khomdek luum jah kah kkhaan kholo
k'hlüng san ah sah hü
4. Nah thoong kti Booi bok kthai hmi lok kti sun
Angming Booi Khrito Imanuel ni
Hoshana kkhaan kholo nu sa
Ak däm boka jäng thoon she
Ngkhot ngsheng naak ngleeng she khomdek kkhaana

57. HOSHANA TI SEEN LÜ O HALELÜIJA

1. Hosana ti seen lü o Hallelüija Amen
Booi Khrito hmi lok kti ni Petleen ngdü yünga
Ah hmuui mpyong üng mhnikphya naak
Kkhyaang mjü kküm mya shat naak
Je kyai lü nih ngpyaang vai Hosana tilü

O Petleen ngdü yüng ksheena
Angshäai kho thaai lok kti ni
Ngpyaang hü hnga ua
Asuna xüng naak kvaai aun mhlmtui naküt kti ta
Puksheet pyangma kyah naak am took ei ti u
2. Mün shelü jou taai mah kti ngkhot ngsheng naak Booipa sun
Mhlä kphya anaak mhloon lok kti ni khomdeka kkhaana
Bäü naak üng nih lätlang lo hlot khoh naak vai ve ni
Mhnni kphya naak khobooi ni nih Booi Jeishüh hin
3. Nih pa kkhyü taam pha lok kti, nih phäh mya naak ve ni
Mhlä kphya naak mhloon lok kti ni Karani msuunga
Ah mün sheet pyen khoh u ja khomdek lo mlei kküt üng

Ah mhnikphya naak khoa jah she pui kkhai ni

4. Sion hlüng taai naak Booipa kyük kti jah shui kti sun
Kkhaan kho noh kpaam ulü phi am khyoh hlot khoh u
Vek kti naküt kkhaana dämduh bok she, Amen
Ah kphya naak hin u noh phi am ktek khoh u

JEISHÜH BOOIA THIH NAAK

58. O MHLÄ KPHYA NAAK PYEN THEI

1. O mhlä kphya naak pyen thei daaü ngü
Nasaret Jeishüh kuung sän
Asun kba ong nah kphya nak kti
Mkhye kti kbäü ei pän kon phi

O mhlä kphya naak mün kshek kti ni
Ti hin kah ng'äia thoon she
O mhlä kphya naak mün shek kti ni
Thoong khyah ktia nah kphya naak
2. Kah phäh ngvoonga tä sham kti ni
Nanga nghmah phi tä sham kti
Ah phäh-a pyangma kti am ni
Kah phäh ah thi shen ngshooi kti
3. Kkhaan kkhyang noh ah nih mpyeenei lü
Khomdek бүк kkhai lok ktie
Ah ng'äh ngkhyah naak mhloh msah kkhaia
Kah mkhye thoong naak aphäh üng
4. Kah mkhye kyüh kyook kshe ah seh püi
Ah päta kkhaana mtaih lü
Ah phäh Karania ngling lü
Khaam ei lü ah thoong päih ni
5. Ahlüng taai naak üng ngshui ngsha lü
Ah lup ngtou kah hmuh lo üng
Kah phäh ah kphya kkhyok naak mün kshe
Angshääia kah ng'ai vai ni

59. KKHYÜ MÜN KSHE AM KAH PYEN MSHI SUN

1. Kkhyü mün kshe am kah pyen mshi sun
Karania thang ve ni, I hok kba Pangsiima sa kpa
Mkhye kti kah phäh ah thih lo

{Karani msuong, Karani msuong
I am suum saak mkhüt khoh ngü} 2
2. Nang nih kkhaankho ngshä ngsiim sai jah
Sherap ngsiim jou mah-eo
Nhnüüp tä booipa khuut pok kti jah

Ah nglung hlü poh khoi kti noh

{Karani msuung ,Karani msuung
Thang am nah nah mtheh khoh-o} 2

3. Kah mlung kkyoong asu sua
Anghläia va soon ei bä
Nah Booipa baanlam ktung kkhaana
Yüng lü nah va hmuk kkhai ni

{Karani msuung, Karani msuung
Thang kdo ning nah mtheh kkhai ni} 2

4. Sum,ship nghngilo, khokyaaka kkhyaang
Ah kho kuunga ngmüm lolü
Nghnumi, hnashen, akdäm,akdiik
Ah ngming mküüi lü ngäi ushe

{Karania, Karania
Ah nih nghmah khaam ei kti ni.} 2

60. MTHAN NG'ÄH NGKHYAH NAAK SAION

1. Mthan ng'ähngkhyah naak sion küngnu k'uma
Kah Booipa noh ah thi shen yet lü
Asun kba sääi siing ngmei nu ngvuuk kti noh
Kah Booi pyang malü angkou nghleei shak

O, nang nih Jeirüshaleme noh
Ah mpeen ei nah nih yah hmat ulü
Nah nih mneh naküt ah ning jah mya shak
Ah khuikha naak käh mnhieh mjo ubä
2. Jerushalem daai kyong the da su ta
Shahma thih thuum am ve ah nih ti
Lüphi büka, Karani lam da sa
Kkhyang pä ksuunga kah Booipa kah hmuh
3. Büka, Karani pha hlü hnüh ngshaai kti
I hok kba kah thoon vek kkhai ni bäi
Kah Booi am nah nglat lo be ti kkhai mä
Nah hnün vai ta Karani ve ni
4. I am ning mnhieh khoh laang ngü, kah Booipa
Karani da kah mang lo lä kkhai
Kah phäh nah suun ei kah mlung kkyoong k'uma
Kah shak päih veia kah shüüm lä kkhai

61. VEDAM KHO KTI MSUUNG KAH JÄN TOU

1. Vedam kho kti msuung kah jän tou shüm
Khojiin ngtanin kti ni ngnam kshuung ah hloop

Nih ksang nalü Booï bok nih vedam kho mhnüüp üng
Xüng kti jah am xüng ktia ah nih ng'äi kthai
Pe luuma be she nih je naak ngäi kthai
2. Xak lü kah kkhaankho pe kah jän tou shüm
Xe naak kvaai ngshü lok kti noh kah mlung bik kti
3. Kkhaan kkhaang jah ksing te ng'äi kthai nglaüh hü kti
Khomdek ah sah lo ni sääi siing naak pe hin
4. Häh u nih ng'äi vai u, nih Booï ma-a
O ah kphya naak jourah ngäi lü nih mhlum vai
5. Ng'äi pui kah xe naak akve luume hin
Kphyu kkha kthai kdo mah mah mdek ve naak dam hi

62. KARANIA NAH MHLÄ KPHYA NAAK ÜNG

1. Karania nah mhlä kphya naak üng
Leng suum päih-a khomdek luum jah pe hin
Nah jah thoong pääng vaai veeng siim sa
Tih naak mküüma kshuunga ngleeng ve

Shang puhlang Booï nah hlüngtaai naak jah
Mhlä kphya naak
Ngdan shak lana shaang luum kkhaan
Nghngisiim mlung kkhyoong mkhyea mhleem pääng
Nah ngming jourah mküüi lü ng'äi hnüh she
2. Kah nih khyong ng'äh ngkhyah pyangma kshuunga
U ja Booipa ah seh kom yung kkhaia
Sum jah shiipa nanga ngming mhlä
Ku ei kkhai kse laang am ve u
3. khomdek mkhye naak hin mong-üa kba
Su lok kti ni, Booipa kah mlung kkyoonga
Hääk lok kti ni kkhaan mei kdäi üng
Nah phäh kkhyäi kba kah pyah be kkhai
4. Kyap veeng Booipa nah pe hmu hlü lü
Angshäi pe jah kphya naakea ngleen naak
I tüh-a ja ngkou nghleei ng'äh ngkhyah
Khe lü kphyü tui loona hü kom

63. KAH MLUNG KKYOONG MKHYE MNU PÄÄNG KTI

1. Kah mlungkyoong mkhye mnü pääng kti sän
Hjokkhah ima thoon shaka
Ak'um hia o kah Booipa
Angshääia ngseei lo kom kti

Nah ve naak ta
Angshääi je naaka thoon kti

2. O ahun hngoh ning nghmuh ei daaü
Ah hun hngoh ning hmuh-a ta
Khomdek ngtou naak luum abäng hin
Aphya bang üng nah mhleih ni

{Kah ng'ap ei kkhai, kah ng'ap ei kkhai} 2
Nanga dä ve yüm kkhaia

3. Liimhlook päih-a kah mkhye naak hin
Kah xün shak yung mhlät kom kti
Kah mshi hnüh ni mthan na ve hin
Vaai loa kkhaan kvaai jou mah

{Nah vaai lo ta, Nah vaai lo ta} 2
Kah mlung kkyong hlimtui kkhai ni

64. KAH MKHYE KTI NI BOOIPA NAH NÄN EI BÄ

1. Kah mkhye kti ni Booipa nah nän ei bä
Kah nghui lo be kti ni nah kho hlonga

Kah veei am nah ngpüi ta
Khomdek kah phäh thih naak
Kkhaankho kah kyah naak pe vai
O nah ve püia

2. Hüi naak akse am ve khomdek kkhaana
Nang däk ning üm naak vai ngshuung ye ma-a
3. Khovei mkyaanga pyäü lü kah khyük pääng kti
Tuh-a nah kthai ngjalü kah säh lok kti
4. Tuh-a Booipa nang noh nah msiim sai-ha
Nah pe yung lü ngshun püi ye kah kaap kkhai

65. NGPYAIHXAT NGÜSHE KAH PA VEEIA

1. Ngpyaihxat ngüshe kah pa veeia kah sit kkhai ni
Kah ma ngmei nua kba ngvuuk kti

Nah kphya nak kti kse am hmu ngü
Kah pa the ta ngshun püi ye ni

Mkhyelü khyüh ta ngü she phi
Ah do naak am thuum khoi
Vuuk belü kah shui be ta
Nah dou dang be kkhai ni

2. Kah pa im bung kkyoonga xün naak ve khoi kti sän
Pyangma ktia mlung üp shak kti
Kei akpuma sooi süüm ngüshe kah thik kkhaio
I lü mpyeen kshea kba ngläü ni
3. O ah veeia kah ve um sän ngshih khüt kti ni
Khomdek ngtou naak aluum kah läk
Suum saak be lü kah pa sü im sha lü hmuh hlü
Kah nghui be kkhai am nik kti mã
4. Kah mkhye mshoh üng pyangma shak lü thang msheet kti hin
Kah phäh-a hnün ah nah mboon ta
Ah pyah um phi tooi lolaih kti
Khomdek khyäi paai kah ye kshou hin am shüüm ti ngü

‘NGKYANAAK’

66. NGLOOI NGTHEENG EILÜ BOOIPA

1. Nglooi ngtheeng ei lü Booipa ngtuu ngleeng naak
Kho msuunga
Karani tui kkhyüing kah kkha puie sän
Noongvei üng ngtüüleeng naak msuung anghlai vai sun

Nah seh naak tui lam thuuk lüphi käh kyüh lü
Nääng dat kti Boo noh ning she püi kkhai
Myashat lü nglüüm be hnüh bă
Booipa mhlä naak üng
2. Nah seh naak mhnüüp sun baanlam ktung mäi lo-lüphi
Ngmüimkhya ngsiim Boo noh ning seh püi kkhai ni
Helat naak ngmei ngvuuk jah ye kdäm seh shih bă
3. Mdek shuhdam ngkyapüi sion msuung
Ngtou ngtaai kkhaana
Jum naak üng kah ning ngleeng kti je kyai lü
Xün naak thing jah kah Booipa ngphya nghjaap nghniima

67. KAH VEDAM KSHÜK ÜNG MSUUNG KAH TOU

1. Kah ve ,lo dam üng msuung kah tou
Mlung mboh kti am küm u khomdeka
O kah veh naak pe shot taak mhnüüp pha lok kkhai ni

Käh kah kyap kti kkhai

O kah ngjaak hlü kkhyäi paai ngtou noh ah nih ngvoon
Kah shih nu nah om bä nah veeia
Boooi naak kkhyäi paai hnün kah yah lohnga kkhai

2. Tüüma thoon khoh-a ta kkha-a ngsom lü
Kkhaan kholoa joong lü kah ngleeng kkhai
Karani msuung thing mküüm ksea kkhaana
Kah va ngshut kkhai ni
3. Ngnam mata hmuh hlü küm lü ngleen ta
Ve dam mlung hin khyük kkhai ve mo bäi
I am khyük shühlü küm lü ve dam I am khyük
Kyah phi I am ngkhyät
4. Ääia nih khaam yüm vai ve dam hin
Kkhaan Pangsiim bä naak üng nih mya lü
Ngmüi mkhya pe ngshih-a nih ngleeng vai kkhaie
Mdek hnu shung hüt lü

68. MDEK BOOI JIH JOUMAH TA SHUUM KKHAI NI

1. Mdek booi jih jourmah ta shuum kkhai ni
Mdek kkhyäi paai ngtoue phi thuum khoi kti
Nih xün mhnüüp hin phi mü lo khoh ham kkhai ni
Lüphi booi hlü ei jeishüh vek kt

Lingleih paai ngtou booi jeishüh taak ei
Kah phäh-a paai angshää pe ngotua
Khuikha naaka phi nah ve püi lä kti ni
Lingleih paai ngtou booi jeishüh taak ei
2. Ah mhlä kphya naak pe kvaai ngtou ngtaaia
Anih sun angshääi thaihke ve ni
Khuikha nih shoong lü phi aana khomdeka
Ah pe sua jah seh püi kkhai ni
3. Tuh-a kyap lü nih ngkou ham lü phi
Thih naak noh kah mik ah mphiin shak üng
Am kyüh ei ngü msüm hnüna kkhyüh kah thou kkhai ni
Kah kphyu tui phi nah xut be kkhai ni
4. Looipüie noh khomdek hia
An nih nah seh taak üng mlung ngui kti
Lüphi am ng'äh ngkhyah ngü kah pät däk ve üng phi
Kho mkhyaang ngthang jeishüh noh nah shääm kti

69. TUH-A AKTHAAI MHLÄ KPHYA NAAK KTHAAI

1. Tuh-a akthaaï mhlä kpha naak ngshih-a
Nih booipa hnün joumah
Je naak kkhyäi paai ngtou pyah kti asua
I käh thuum ti laang kkhai

Jelü ngooia ta ngkhyum vaai vai ni
Khaankho ngshä book päe mah mah-a
Säai siing naak pea ngkou naak luum hin
Nih booipa ma –a je kyai ng'äi vai
2. Kah mlung hlü nghngi hin akyaak kona ta
Kah phäh ngmei ngvuuk khoi kti
Ngooia asuna pe kah pha hnga kkhai
Am shüüm ngü kho mdek hin
3. Ksuna mlüh nu da su sit lä lü
Mdek hin kah mkhya lä ni
Tuh-a ah paai ng'uui sun kah mdep hnüh kti
O ngshih pyäi kkhai ve ni
4. Nah thong khyah kti lup mlunghlü leem pääng kti
Ah Booï ngoh naak kkhaana
Hmüüi tum kkhai ni thoong pange je kyai vai
Halelüija Amen

70. SAION MSUUNG JAH KKHAAN AAISHI

1. Sion msuong jah kkhaan aai shi ngtou
Kah phäh Booipa-a nah pyaan
Ngooia asun kah pha üng ta
Kah je naak kkhyäi paai vai

Ksüün I noh ja ah nah kyoh
Thi shen phäh üng kah nghmah sion msuong
O i tüh-a ja kah jäng hmuh kom
Kuum kyan ktia kho käh kayak naak pe
2. Tuh-a ngsoot naak Jotan tui peia
Kuum kyan kti yün
Asuna ye ngxü naak hnün su

3. Ksüüno sita sion sa noh
Pe jou mah yün ei mshi
Kah ngleen naak mkyaang kshih pe veni
Kah seh taak hlü hnüh ni
4. O nääng kti Booï Imanuel
Ah pe kah pha üng ta
Mhlä kphya naak Booï jih ngvaih hnga lü
Angshääia ngleen vai ni

71. MJÜ KAH MHLIM MTUI NI

1. Mjü kah mhlím mtui kti ni
Nghmuh lodaaü ngshun püi ye kba
Ve mhlím um üng mdonglooilu hin
Kpaam sanghngeeia ek lok kti ni

Ah nih seh yüih puk shek kkhüt mah mah lü
Lüphi sion ah nih pha ta
Xe nalü xün naak kkhyäi paai seh ei kkhaie
2. Kah mlunghlü shuh dame
Ngkhyum be mhnüüp I am ve ti
Thih naak kho msuung püi nglüüm ve u
Kkhaan kkhyaaanga thoon vaai ktie ta

Kho mülo üng küm lü ngleen naak sü im
Am mboh khoh ngü, hi kkhüt kti ni
Am nah phok khoh kah ngleen püi mlunghlü noh phi
3. Kei am nah shüüm kkhaio
Thih naak tui long sa ye sa
Mdek hnushung hüt kyo kti lüphi
Ve dam nah mkhyüh peet khoh kkhaio

Sion Booï hmlung kjen kah shüüm naak msuunga
Ah veeia mlung hlü ngseei ktie
Ve nadam lü kah kyah noh kho nah ngmü kti
4. kah mthan ih ngmanga
Thoon lo daaü ve dam naak sun
Thaih aai nghlúi ksing noh nah mphyak lü
Thaih ksheena thü xak lo ni daü

Küm lü kkyoonga kah nih ve khoi säh kba
Ih phak üng ngko ei yüm päih lü
Mhlím kkhüt lü kphya naak kah mhjuut be kkhai shü

72. MHNÜÜP JOU MAH PHA LO HLÜ KTI NI

1. Mhnüüp jou mah pha lo hlü kti ni
Kah mtäh Booï Imanuel
Mthan jah tuui yaai shun naak mhnüüp sun
Thoong khyah sa kpa nih hüi ei naak vai sun

Asuna mhnüüp üng mhlím lü kah ng'äi kkhai
Booi pe piit pyaang angshäai hnün kah yah hnga kkhaia
O ngshih pyei kkhai ve ni o, xe naphyak kkhüt kkhai ni
Xe naak käh mshi lü kah ngleeng kkhai

2. I tüh-a vai ve ni Booipa
Ngnääng naak mhnüüp kah nih hmuh vai
Joong lü jootaan kah pek lok kti
Nah phäh kkhaan aai shi kba kah vaai kkhai ni
3. Nih ngshaai kti ni angshäai Booipa
Nah mlüh nu phüng thaai sua
Nah thi shen üng nah jah msiim pääng
Kah veeia nglat lo ua nah ti khoi sän
4. O mlüh nu kthaai nah ngkäih kti ni
Nah kshuunga ngnääng kti ngleeng khü
Nääng ng'äi kthai ah nih msuh vai sun
Kho mdek phyooi üng ka vai ah nih mseih u.